

No Rujukan : (32) PSMB/20/8 Kulit 8

Tarikh : 15 Januari 2026

## PEKELILING MAJIKAN BIL. 01/2026

# PENGECUALIAN PEMBAYARAN LEVI PEMBANGUNAN SUMBER MANUSIA BAGI TEMPOH JANUARI 2026 SEHINGGA DISEMBER 2026 KEPADA MAJIKAN DI BAWAH INDUSTRI PENDIDIKAN

## 1. TUJUAN

- 1.1 Pekeliling ini dikeluarkan bagi memaklumkan kepada semua majikan yang berdaftar dengan Human Resource Development Corporation (HRD Corp) di bawah **Industri Pendidikan** mengenai **pengecualian bayaran levi statutori selama dua belas (12) bulan**.
- 1.2 Pengecualian ini dicadangkan untuk diguna pakai bagi aktiviti pembangunan sumber manusia (HRD) yang dijalankan dalam Industri Pendidikan, meliputi tempoh **bayaran levi bulan Januari 2026 hingga Disember 2026**.

## 2. LATAR BELAKANG

- 2.1 Semasa **Majlis Perasmian Minggu Latihan Kebangsaan (NTW) 2025 pada 14 Jun 2025**, Yang Amat Berhormat Dato' Seri Anwar bin Ibrahim, Perdana Menteri Malaysia telah mengumumkan pengecualian levi selama setahun kepada majikan berdaftar di bawah industri pendidikan, berkuat kuasa **dari Januari 2026 hingga Disember 2026**.
- 2.2 Inisiatif ini selaras dengan komitmen Kerajaan MADANI untuk menyokong agenda pembangunan modal insan negara melalui pelaburan strategik dalam pendidikan. Majikan dalam industri pendidikan merangkumi tadika, sekolah swasta, pusat latihan kemahiran dan institusi pengajian tinggi swasta, takluk kepada

kewajipan pendaftaran dan pencaruman levi kepada Pembangunan Sumber Manusia Berhad (PSMB). Berperanan penting sebagai industri yang melahirkan bakat yang berkemahiran dan berpengetahuan, pengecualian ini bertujuan meringankan beban kewangan serta membolehkan tumpuan yang lebih besar diberikan kepada penambahbaikan dalam penyampaian pendidikan.

### **3. MAJIKAN YANG LAYAK**

- 3.1. Semua majikan **di bawah industri pendidikan** yang berdaftar dengan HRD Corp layak menerima pengecualian ini.

### **4. TARIKH BERKUAT KUASA**

- 4.1. Hanya majikan di bawah industri pendidikan dikecualikan daripada pembayaran levi HRD bagi bulan **Januari 2026 hingga Disember 2026**. Majikan perlu **menyambung semula pembayaran levi bermula Januari 2027**, dengan tarikh akhir pembayaran **sebelum** atau pada **15 Februari 2027**.

### **5. BAYARAN TERTUNGGAK LEVI**

- 5.1. Pengecualian ini tidak meliputi bayaran levi tertunggak. Majikan yang mempunyai tunggakan perlu terus membuat bayaran untuk mengelakkan penalti dan faedah tambahan.

### **6. PERMOHONAN GERAN LATIHAN**

- 6.1. Walaupun dikecualikan daripada pembayaran levi selama setahun, majikan digalakkan untuk memohon geran latihan dan terus menghantar pekerja untuk latihan, menggunakan baki levi yang ada dalam akaun masing-masing.

## 7. PENUTUP

- 7.1. Untuk sebarang pertanyaan lanjut, sila hubungi pasukan sokongan HRD Corp melalui emel: [support@hrdcorp.gov.my](mailto:support@hrdcorp.gov.my).

Terima kasih.

'Memperkasa Kemahiran, Memacu Bakat demi Malaysia yang Bersedia Menghadapi Masa Hadapan'

'Malaysia MADANI'



**DR. SYED ALWI BIN MOHAMED SULTAN**

Ketua Eksekutif